

**KANTONALNA UPRAVA CIVILNE ZAŠTITE
KANTONA SARAJEVO**

Na osnovu člana 52. stav (1) tačka 2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Zakona o državnoj službi u Kantonu Sarajevo ("Službene novine Kantona Sarajevo", br. 31/16, 45/19 i 6/25), člana 41. stav (1) Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija ("Službene novine Kantona Sarajevo", br. 36/06, 8/12, 39/16, 13/22, 41/22 i 11/25), Uredbe o poslovima osnovne djelatnosti iz nadležnosti organa državne službe u Kantonu Sarajevu koje obavljaju državni službenici, uslovima za vršenje tih poslova i ostvarivanju određenih prava iz radnog odnosa ("Službene novine Kantona Sarajevo", br. 39/16, 10/17, 17/25 i 36/25) i uz pribavljeno mišljenje Samostalnog sindikata kantonalnih državnih službenika i namještenika - Sindikalne organizacije Profesionalne vatrogasne brigade Kantona Sarajevo u skladu sa članom 90. Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj 15/26), uz saglasnost Vlade Kantona Sarajevo, direktor Kantonalne uprave civilne zaštite Kantona Sarajevo donosi

**PRAVILNIK
O IZMJENAMA I DOPUNAMA PRAVILNIKA O
UNUTRAŠNJOJ ORGANIZACIJI KANTONALNE
UPRAVE CIVILNE ZAŠTITE****Član 1.**

(Izmjena člana 4. Pravilnika)

U Pravilniku o unutrašnjoj organizaciji Kantonalne uprave civilne zaštite Kantona Sarajevo, broj 03-30-546/22 od 19.04.2022. godine, broj 03-30-1161/22 od 27.09.2022. godine, broj 03-30-1279/22 od 24.10.2022. godine i broj 03-30-816/23 od 15.06.2023. godine (u daljem tekstu: Pravilnik), u članu 4. Unutrašnja organizacija u stavu (7) tačka c) mijenja se i glasi: "Stručni savjetnik zaštite na radu".

Član 2.

(Izmjena i dopuna člana 16. Pravilnika)

U članu 16. Samostalni izvršioci izvan organizacionih jedinica, iza tačke b) dodaje se nova tačka c) koja glasi: "Stručni savjetnik zaštite na radu".

Dosadašnja tačka c) postaje tačka d).

Član 3.

(Dopuna člana 20. Pravilnika)

U članu 20. Radno mjesto Komandir prve čete u stavu (3) ispred riječi: "četiri" dodaje se riječ: "najmanje".

Član 4.

(Dopuna člana 32. Pravilnika)

U članu 32. Radno mjesto Komandir druge čete u stavu (3) ispred riječi: "četiri" dodaje se riječ: "najmanje".

Član 5.

(Dopuna člana 39. Pravilnika)

U članu 39. Radno mjesto Komandir treće čete u stavu (3) ispred riječi: "četiri" dodaje se riječ: "najmanje".

Član 6.

(Izmjena člana 44. Pravilnika)

U članu 44. Radno mjesto Stručni savjetnik za planske poslove u stavu (3) ispred riječi: "tri", briše se riječ: "najmanje".

Član 7.

(Izmjena člana 46. Pravilnika)

U članu 46. Radno mjesto Stručni saradnik za mjere zaštite i spašavanja, stav (3) mijenja se i glasi:

"(3) **Uslovi za vršenje poslova:** Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 180 ECTS studijskih bodova ili drugog ili trećeg ciklusa Bolonjskog sistema studiranja, završen Fakultet političkih nauka - smjer politologija ili sigurnosne i mirovne studije ili Prirodnomatemički fakultet - smjer geografija ili Poljoprivredni fakultet ili Arhitektonski fakultet ili Građevinski fakultet; jedna godina radnog staža u struci, položen stručni ispit i poznavanje rada na računaru, ili za namještenika organa državne službe koji je stekao VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 180 ECTS studijskih bodova ili drugog ili trećeg ciklusa Bolonjskog sistema studiranja, završen Fakultet političkih nauka - smjer politologija ili sigurnosne i mirovne studije ili Prirodnomatemički fakultet - smjer geografija ili Poljoprivredni fakultet ili Arhitektonski fakultet ili Građevinski fakultet, a koji ima najmanje pet godina radnog iskustva u organima državne službe nakon položenog stručnog ispita za namještenika u organima

državne službe, položen stručni ispit i poznavanje rada na računaru."

Član 8.

(Izmjena člana 47. Pravilnika)

U članu 47. Radno mjesto Stručni saradnik za popunu i mobilizaciju, stav (3) mijenja se i glasi:

"(3) **Uslovi za vršenje poslova:** Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 180 ECTS studijskih bodova ili drugog ili trećeg ciklusa Bolonjskog sistema studiranja, završen Pravni fakultet ili Fakultet političkih nauka - smjer politologija ili sigurnosne i mirovne studije ili Prirodnomatemički fakultet - smjer geografija ili Poljoprivredni fakultet ili Arhitektonski fakultet ili Građevinski fakultet, jedna godina radnog staža u struci, položen stručni ispit i poznavanje rada na računaru li za namještenika organa državne službe koji je stekao VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 180 ECTS studijskih bodova ili drugog ili trećeg ciklusa Bolonjskog sistema studiranja, završen Pravni fakultet ili završen Fakultet političkih nauka - smjer politologija ili sigurnosne i mirovne studije ili Prirodnomatemički fakultet - smjer geografija ili Poljoprivredni fakultet ili Arhitektonski fakultet ili Građevinski fakultet, a koji ima najmanje pet godina radnog iskustva u organima državne službe nakon položenog stručnog ispita za namještenika u organima državne službe i položen stručni ispit i poznavanje rada na računaru."

Član 9.

(Izmjena člana 57. Pravilnika)

U člana 57. Radno mjesto Stručni saradnik za personalne poslove, stav (3) mijenja se i glasi:

"(3) **Uslovi za vršenje poslova:** Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 180 ECTS studijskih bodova ili drugog ili trećeg ciklusa Bolonjskog sistema studiranja, završen Pravni fakultet ili Fakultet za upravu; jedna godina radnog staža u struci i položen stručni ispit ili za namještenika organa državne službe koji je stekao VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 180 ECTS studijskih bodova ili drugog ili trećeg ciklusa Bolonjskog sistema studiranja, završen Pravni fakultet ili Fakultet za upravu, a koji ima najmanje pet godina radnog iskustva u organima državne službe nakon položenog stručnog ispita za namještenika u organima državne službe i položen stručni ispit."

Član 10.

(Dopuna člana 59. Pravilnika)

U članu 59. Radno mjesto Šef odjeljenja za opće poslove u stavu (3) ispred riječi: "četiri" dodaje se riječ: "najmanje".

Član 11.

(Izmjena člana 68. Pravilnika)

U članu 68. Radno mjesto Stručni saradnik za javne nabavke, stav (3) mijenja se i glasi:

"(3) **Uslovi za vršenje poslova:** Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 180 ECTS studijskih bodova ili drugog ili trećeg ciklusa Bolonjskog sistema studiranja, završen Pravni fakultet ili Fakultet za upravu ili Ekonomski fakultet; jedna godina radnog staža u struci i položen stručni ispit, ili za namještenika organa državne službe koji je stekao VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 180 ECTS studijskih bodova ili drugog ili trećeg ciklusa Bolonjskog sistema studiranja, završen Pravni fakultet ili Fakultet za upravu ili Ekonomski fakultet, a koji ima najmanje pet godina radnog iskustva u organima državne službe nakon položenog stručnog ispita za namještenika u organima državne službe i položen stručni ispit."

Član 12.

(Izmjena člana 78a. Pravilnika)

U Pravilniku član 78a. Radno mjesto Radnik zaštite na radu mijenja i glasi:

"Član 78a.

(Radno mjesto Stručni savjetnik zaštite na radu)

(1) **Naziv radnog mjesta:** Stručni savjetnik zaštite na radu.

(2) **Opis poslova:**

- a) prati primjenu i izvršavanje zakona, drugih propisa i općih akata iz oblasti zaštite na radu;
- b) priprema i poduzima odgovarajuće mjere i radnje radi izvršavanja zakona, drugih propisa i općih akata iz oblasti zaštite na radu i poduzima mjere i radnje na sprečavanju nastanka štetnih posljedica odnosno mjera i radnji na otklanjanju štetnih posljedica;
- c) učestvuje u izradi akta o procjeni rizika;
- d) izrađuje prijedlog internog akta o zaštiti na radu;
- e) izrađuje prijedlog plana i programa mjera zaštite na radu;
- f) vrši unutrašnji nadzor nad primjenom mjera zaštite na radu;
- g) pruža stručnu pomoć u provođenju i unaprijeđenju sigurnosti i zaštite zdravlja na radu;
- h) učestvuje u izradi uputstva za siguran rad;
- i) prati i organizuje periodične preglede sredstava za rad, sredstava i opreme lične zaštite;
- j) prati i organizuje periodične preglede hemijskih, fizičkih i bioloških štetnosti i mikroklima u radnoj okolini;
- k) priprema i organizuje osposobljavanja radnika za siguran rad;
- l) prati stanje i izvještava rukovodioca o povredama na radu, profesionalnim oboljenjima i bolestima u vezi sa radom;
- m) analizira uzroke povreda na radu i profesionalnih oboljenja u saradnji sa ovlaštenim doktorom specijalistom medicine rada i predlaže mjere za unaprijeđenje sigurnosti i zaštite zdravlja na radu;
- n) prati i organizuje periodične ljekarske preglede radnika koji rade na poslovima sa povećanim rizikom, te analizira izvještaje o obavljenim periodičnim ljekarskim pregledima;

- o) savjetuje rukovodioca u pogledu izbora i nabavke opreme i tehnološkog procesa rada;
 - p) sarađuje sa rukovodiocem prilikom planiranja izgradnje i rekonstrukcije objekata namijenjenih za rad;
 - r) sarađuje sa nadležnom inspekcijom rada i drugim ustanovama koje se bave sigurnošću i zaštitom na radu;
 - s) sarađuje sa sindikatom i povjerenikom za zaštitu na radu, u skladu sa zakonom o zaštiti na radu;
 - t) za vršenje poslova odgovara direktoru Uprave.
- (3) **Uslovi za vršenje poslova:** Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje 240 ECTS studijskih bodova ili drugog ili trećeg ciklusa Bolonjskog sistema studiranja, završen fakultet iz grupacije tehničkih ili medicinskih ili prirodnih nauka, tri godine radnog staža u struci i položen stručni ispit, najmanje dvije godine radnog iskustva na poslovima iz oblasti zaštite na radu, položen stručni ispit za obavljanje poslova radnika za zaštitu na radu i poznavanje rada na računaru.
- (4) **Vrsta djelatnosti:** Poslovi osnovne djelatnosti.
- (5) **Naziv grupe poslova:** Stručno - operativni.
- (6) **Složenost poslova:** Najsloženiji.
- (7) **Status izvršioca:** Državni službenik.
- (8) **Pozicija radnog mjesta:** Stručni savjetnik.
- (9) **Broj izvršilaca:** 1 (jedan)."

Član 13.

(Dopuna člana 82. Pravilnika)

U članu 82. Radno mjesto Sekretar uprave u stavu (2) iza tačke u) dodaje se nova tačka v) i glasi: "obavlja poslove koordinatora za postupak procjene uticaja propisa u cilju osiguranja primjene propisa o procjeni uticaja propisa u Kantonu Sarajevo".

Dosadašnja tačka v) postaje tačka z).

Član 14.

(Stupanje na snagu Pravilnika)

Ovaj Pravilnik stupa na snagu danom dobijanja saglasnosti Vlade Kantona Sarajevo i objavit će se u "Službenim novinama Kantona Sarajevo".

Broj 03-30-625/26

13. jula 2026. godine

Sarajevo

Direktor

Dženan Brkanić, s. r.

Na ovaj Pravilnik Vlada Kantona Sarajevo dala je saglasnost na 138. sjednici održanoj 23.07.2026. godine, svojim aktom broj 02-04-34777-9/26 od 23.07.2026. godine, a u skladu sa članom 52. stav 1. tačka 2. Zakona o organizaciji organa uprave Federaciji Bosne i Hercegovine (Službene novine Federacije BiH", broj 35/05).